

Ltn
382

Ltn
382

1999 . 17

Գ. ԵԱՆ ԵՒ Մ. ԳԱԼՓԱԲՃԻԱՆ

„Ի ԽԱՉ ՀԱՆ ԶԴԱ“



1899

ԼԵՌ
389

Գ. ԵԱՆ ԵՒ Մ. ԳԱԼՓԱԿՅԵԱՆ

„Ի Խ Ա Չ Զ Ա Ն Զ Դ Ա“



1899

9(47325)

«Ի ԽԱ՛Չ ՀԱՆ ԶԴԱ»

Իր ողջամիտ քարոզութիւնները, գուհիկ և ստրուկ ժողովուրդին վրայ տածած եղբայրական գուրգուրանքները, կղերական, գրագէտ ու վաճառական դասակարգերուն հասցէին ուղղած անողոք կշտամբանքները, իր հրաշագործութիւններն ու վերջապէս իր «Երուսաղէմ փառաւոր մուտքը՝ օրուան հերոսը գարձուցեր էին ղինքը, տիեզերական յեղափոխութեան առաջին վարդապետը: «Ովսաննա» ներու շփոնգը թափանցիկ ամպի ծուէներու պէս դեռ կը տատանէր Երուսաղէմի շրջակայքին և քաղաքին վրայ: Ամէն մարդ կ'ուզէր իր աչքերն անգամ մըն ալ սեւեռել մեծ վարդապետին վրայ: Հարուստները ալ ամօթ չէին սեպեր անոր նայիլը. ժամանակին իմաստակները, անոր հիացողներու հոսանքին մէջ թաղուած՝ լուելեայն և ակամայ զայն դաւանելու կը հարկադրուէին: Հասակով թղուկ և բարբով գաճաճները պատերու վրայ կ'իլլէին, ծառերն ի վեր կը մազլցէին զայն տեսնել կարենալու համար: Ոմանք ալ, անոր մէկ շնորհքին արժանանալու համար, կը տենչային անոր քղանցքին դպչիլ: Եւ Ինքը, Մեծ Յեղափոխիչը, այս հիացումի և փառքի ողողումին մէջ անտարբեր, կը խորհի իր Երուսաղէմին վրայ. բարձրաձայն կը գուշակէ անոր գլխուն գալու աղէտներուն շարքը: Եւ այս աղէտներուն պատասխանատու կը հռչակէ

Գ 3 Բ Բ. Ը

28. 385

Երուսաղէմին անտարբերութիւնը. «Ինչու
 որ, կ'ըսէ, դուն այցելութեան դժամանակը
 չճանչցար»: Վերջին օրերուն չի մոռնար նա պատուիրել իր
 հետևողներուն, որ մէկ զէնք ունեցողը մէկ հատ ալ առնէ,
 վերահաս չարիքներուն դէմ ճակատելու համար: — Ուսան-
 նաներու վրայէն քանի մը անգամ արևը մարը կը մտնէ, և
 Յիսուսը, իբր «մոլորեցուցիչ ժողովուրդեան», դատի կը քաշ-
 ուի: Հոն է Պիղատոս, մեծ ամբաստանեալին անմեղութեանը
 գիտակից. բայց կուրացած, ապերախտ, անբարոյացած խու-
 ժանը ողջակէզ կը պահանջէ. «Ի խնջ հան զդա, ի խնջ հան
 զդա»: Գեռ նոր «Ուսաննա» աղաղակող կեղծաւորներու ջո-
 լիբը արտասովոր մոլեգնութեամբ, կոկորդը ճաթեցնելու չափ
 «Ի խնջ հան զդա» կ'ուռնայ: Եւ Պիղատոս՝ իր դատաւորա-
 կան աթոռէն չզրկելու և ժողովուրդին ու միանգամայն
 կայսեր հաճելի ըլլալու համար՝ իր խղճին և կնոջ ազ-
 դարարութեան հակառակ՝ կը յանձնէ Յիսուսը
 խաչուելու, և խղճին կշտամբանքէն ազատ մնալու ինքնախա-
 բուծեամբ՝ կը լուայ իր ձեռքերը...

Իբր տանըինը դար առաջ պատահեցաւ այս մարդկայ-
 ին զգացումները ապստամբեցնող դէպքը, որ սակայն, դժ-
 բախտաբար, կրկնուած է ամէն դարու մէջ, կը կրկնուի ամէն
 օր և ամէն ժողովուրդի մէջ: — Մենք, Հայերս, հետևելով
 ազգերու պատմական օրէնքներուն և ինքնապաշտպանութեան
 բնագրներուն, ցանկացինք և միշտ կը ցանկանք մեր վրայ ծան-
 րացող անարգ լուծը թօթափել կամ գոնէ զանիկա մեղ-
 մացած տեսնել: Այս բնական ցանկութիւնը իրագործելու
 տենչով կատարուած մանր փորձերուն վրայ կանգ չառնելով
 կուգանք վերջին 10-12 տարուան շարժումին, որուն անձ-
 նատուր եղաւ ամբողջ հայ երիտասարդութիւնը, աննշան բա-
 ցառութեամբ: Այս լայնածաւալ շարժումին տրամաբանական
 հիմունքը այս կամ այն յեղափոխական վարիչին կամ թեր-
 թին վրայ դնելու փորձը արդիւնք է կամ միամտութեան
 կամ չարամտութեան: Մեր Թիւրքին դէմ հանած դժգոհու-

թեան ձայներն ու խլրտումները բնական արդիւնք էին՝
 անոր ճնշումներուն ու հալածանքին օրքան զօր բազմապատ-
 կուելուն և սուր ու աղետաբեր կերպարանք մը ստանալուն,
 մէկ կողմէն, և միւս կողմէն՝ ազգային համեստ դաստիարա-
 կութեան մը մեղի ջամբած ինքնաճանաչութեան փրկարար
 զգացումներուն: Յեղափոխական վարիչ անհատներ ու
 թերթերն ալ այս երևոյթներուն բնական արդիւնքն են
 և ոչ պատճառը: Հողին մշակական պայմանները, արևն
 ու անձրևը մէկտեղ եկած կ'աճեցնեն վարդենին, եթէ ար-
 մատը առողջ է, և որոշեալ ժամանակին կը բացուի վարդը:
 Յիշեալ պայմաններու ներքե վարդին չբացուիլն անբնական
 պիտի ըլլար: Եւ Հայուն բարեկամներուն ու մինչև իսկ թըշ-
 նամիներուն մէջ սակաւաթիւ չեն այն անձերը, որոնք՝ այն-
 քան գերազանցօրէն յեղափոխիչ ու կատարեցուցիչ պայման-
 ներու ներքե հայ ժողովուրդին միահամուռ չապստամբին
 անբնական և ապշեցուցիչ գտած են: — Քիչ մըն ալ օգ-
 տուինք վարդին օրինակէն: Ա՛յ ըլլան եղանակներ, ուր բուսա-
 կան կեանքի զարգացումին նպաստող տարրեր չափազանց
 ներգործութեամբ ժամանակէն առաջ կը բանան վարդը
 կամ կը հասունցնեն պտուղները: Եւ օրին մէկն ալ նայիս
 գեղեցիկ օրերուն յաջորդեր է ցուրտ քամի մը կամ անըզ-
 գամ խորշակ մը. վարդերը կը թռումին, յուսալից պտուղ-
 ները կը մեռնին: Որո՞ւնն է յանցանքը. վարդի՞ն, որ ժամա-
 նակէն առաջ բացուեցաւ, թէ ոչ զանիկա ժամանակէն ա-
 ռաջ բացող հանգամանքներուն: Արդ, զարգացումի, կամ եթէ
 կուգէք, Տարուինի բառով՝ բնաշրջումի նոյն օրէնքն է որ կը
 տիրէ վարդին, անհատին և ազգերու կեանքին վրայ: Իրաւ
 է թէ մարդը, իբր բանական էակ, իր կամքին սանձը պիտի
 բռնել և յաւէտ պարագաները վարել քան անոնցմէ վար-
 ուիլ պարտի. բայց չմոռնանք որ պատմական օրէնքն
 երուսաղէմի հարկեցուցիչ պարագաներու առ-
 ջեւ ո՛չ անհատական կամ քերքը նշանակու-
 թիւն ունին և ո՛չ «խոհեմութիւն» կամ է-

շուհամբերութիւն յանձնարարող քարոզները: «Հարկը օրէնքը կը լուծէ» առածը պատկառելի հնութիւն մը ունենալ կ'երևի: Ուստի, յուրի, ճիւղաղային վարչութեան մը ներքեւ ընկճուած լուսաւորութեան ընդունակ ժողովուրդի մը յեղափոխուելու ձգտումները և՛ բնական են, և՛ հարկաւոր: «Լուսաւորուինք, բայց չյեղափոխուինք» աղաղակելը՝ «լուսացուինք, բայց չթրջուինք» ըսելու չափ յիմարական է: Ըստ որում վերջիչեալ պայմանի ներքեւ լուսաւորուիլ և յեղափոխուիլ նոյնիմաստ գործողութիւններ են. և այս այնքան ճշմարիտ է որքան ակներե՛թիւրքին յաւիտենական ատելութիւնն ու սիսդեմաթիք հալածանքն ընդդէմ մեր ազգային լուսաւորութեան ազգակներուն և մշակներուն: Անցողակի յիշենք որ «Հալածում» տարածում՝ ալ երէկուան առածը չէ: — Այնուազ անտրամարանական և հակապատմական է նաև «առանց արիւն թափելու, խաղաղ միջոցներով» ազատութիւն ձեռք բերելու յորդորող բարբառները: Ազատութիւնը շնորհք մը չէ, զոր կարելի է ստանալ այս կամ այն կառավարութենէն՝ խնդրելով կամ մուրալով: Անիկա անգին միջանակն է, որուն կրնան տիրանալ քաջերն արժանեօք և արժանաւորները քաջութեամբ: Իբր բրեք տարի առաջ Փարիզի մէջ, Ռոշֆորի նախագահութեան ներքեւ կազմակերպուած հայանպաստ միթինկի մը մէջ՝ պ. Էռնէսթ Ռոշ, «Գերութեան շղթան, կ'ըսէր, ո՛չ արցունքով կը փշրուի, ո՛չ ալ աղօթքով, այլ... սուրով»: Այդ պղտիկ, պերճախօս մարդուն կրակոտ շեշտերուն հաւանեցան և մոլեգնաբար ծափահարեցին իր ունկնդիր Հայերն ալ բոլորն ալ առանց իրենց մտքէն իսկ անցնելու, որ օր մը, ի միջի այլոց՝ այդ Հայերէն ոմանք, օդին ու եղանակին համեմատ հագուստ և... գաղափար փոխող գիշերական ասպետներ, բասալքօրէն, ուրիշ խումբ մը տգիտօրէն, և ուրիշներ իմաստակօրէն պիտի ժպրհէին հալածել ու քարկոծել հայկական յեղափոխութեան ոգին, այն անարատ ոգին, որ արիւնով օծուած Հայաստանի տակն ու վրան վխտացող վրէժի ոգի-

ներուն մէջ խառնուած, մարմնացած, սահմանուած է Հայուն գոյութեան միակ պայմանն ըլլալու:

Շատ յատկանշական է այն պարագան, որ հայկական յեղափոխութեան գաղափարին ընտելացողներուն է՛ն յետինը պոլսեցի Հայը և վերջակէտը պոլսեցի հայ զրագէտ դասն եղաւ: (Յարգանք այն սակաւաթիւ մայրաքաղաքացի հայ երիտասարդներուն, որոնք կրցան աւելի կանուխ զգալ): Նոյնքան նշանակալից է և այն պարագան, որ մեր ազգային դատի վիժանքին հետեւեալ օրն իսկ, հայկական յեղափոխութեան վրայ առաջին քարը նետողները պոլսեցի Հայերն ու հայ գրագէտներն եղան. այս վերջինները մանաւանդ, իրենց կեղծաւոր ովսաններու լռտուքն հազիւ աւարտած, ելեր հիմա երիտասարդի և գրագէտի յաւիտենապէս անվայել յետագիմական ու միանգամայն զայրացկոտ պոռչտուքով մը «Ի խա՛ջ հան զդա, ի խա՛ջ» կը պոռան: (Հոս ալ չենք մոռնար նուիրել մեր անկեղծ յարգանքը այն գարձեալ սակաւաթիւ պոլսեցի հայ երիտասարդներուն, որոնք, հակառակ ամենայնի, կը շարունակեն իրենց յեղափոխական գաղափարի զինուորականութիւնը): — Հոս չափազանց բնական ինչ ո՛ւ մը կը ցցուի մեր առջև, ԻնչՈ՞՞ պոլսեցի Հայն այնքան դանդաղ յեղափոխուելու և ԻնչՈ՞՞ այնքան փութկոտ յեղափոխութեան գերեզմանը փորելու...

Պոլսը Հայաստանէն այնքան հեռու է որքան պոլսեցի Հայուն ազգային զգացումն ու տրամաբանելու եղանակը՝ հայաստանցի Հայուն ազգային զգացումէն և տրամաբանելու եղանակէն: Մայրաքաղաքացի Հայը համեմատաբար շատ աւելի ազատ կը շնչէր քան հայաստանցին, գայլերու վոհմակներուն մէջ անոք թողուած այդ զուտ, անարատ հոգին: Բայց բնական չէր միթէ սպասել որ պոլսեցի Հայերուն միջավայրային առաւելութիւններն ու յարաբերական զարգացումը Վոսփորի ափունքին և Արարատի միջև բացուած անջրպետը լեցնէին և անոր վրայէն տարածէին իսկապէս ազգային տաքուկ, փրկարար շունչ մը: Իեռ ասկէ իբր 20 տարի առաջ

այս կարգի լուրջ բան մը ընելու, չըսենք փորձը, երազն անգամ յղանալու անընդունակ գտնուեցան ժամանակին խելքը գլուխը ճանչցուող վոսփորածին հայ աղբարները: Հոս «Ազգային սահմանադրութիւն» կոչուած ոսկեգոծ ունայնութեան խօսքն անգամ ընել չենք ուզեր, բայց պարտք կը սեպենք մեր ջերմ երախտագիտութիւնն արտայայտել Միացեալ Ընկերութեանց, 1880-ին միայն ձուլուած: Մինչև այդ թուականը Հայաստանի մէջ ի՛նչ հրաշքներ կարելի էր գործել, բայց չգործուեցան և ոչ իսկ փորձուեցան: Մեր վոսփորականները, կապկորէն եւրոպականացած, Հայաստանէն և անոր նահանգներէն շատ աւելի լաւ կը ճանչնային Ֆրանսան և ասոր տէրաւթը մանն երբ: Մեր պարոնները հայկական թատրոնով զբաղած էին. որուն հոգն էր հատեր որ ելլեր Հայաստանի մէջ մէկ երկու երկրագործական վարժարաններ հաստատելու անմահացուցիչ խորհրդով տանջէր իր մեղկացած սիրտը: Մեր գիտնականները գրաբարի և աշխարհահարի տաք բանակիւններու բռնուած՝ ժամանակ միթէ ունէին հայաստանցիին համար հասկնալի և օգտակար բաներ գրելու (ըսել չենք ուզեր որ չգրէին, չբանասիրէին, բայց փոխանակ լման քառորդ դար աչքի լոյս և ժամանակ վատնելու պատարագ բառին ստուգաբանութեանը վրայ, որ դեռ վերջնական լուծումի մը յանգած ալ չէ, անդին ամէն օր պատարագ ու ող իրենց եղբայրներուն վրայ ալ թող խորհէին ու գրէին): Մեր բանաստեղծները երգեցին սէրը, կինը, գինին և... ունայնութիւնը, ու տարին անգամ մը հարբածի տարաւմ զգացումով, ծիծաղելի կիրքով, «Կեցցէ՛ Սահմանադրութիւն» յաւիտենական յանկերգով երգեր ալ շինեցին, դրուով չափ համով երգեր, պղպղակի պէս փայլուն տաղեր. (ըսել չենք ուզեր որ չբերթէին, չերգէին, ընդհակառակը. յաւէտ կը ցանկանք որ հայ ժողովուրդի ամէն օր բերթուող, արիւնող կեանքէն ու կեանքին համար բերթած ու երգած ըլլային): Բայց խոստովանինք որ այս ամէնը անոնցմէ պահանջէն անկարելին պահանջելու պէս բան

մը պիտի ըլլար: Պոլսի հայ գրողներուն մէջ «ազգային բանաստեղծ կամ ազգային վիպասան» ըլլալու երազանքէն տանջուող հեռատեսներ չգտնուեցան չէ. մարդիկը մինչև իսկ փորձեցին յամառաբար ու չյաջողեցան... բնականաբար: Սուլթաններուն մայրաքաղաքին չէր կրնար վերապահուած ըլլալ Գամառ Գաթիպաներ ու Բաֆֆիններ արտագրելու փառքը:—Հոս մազ մը կը մնայ որ միամիտները փորձուին այս բոլորին մեղքը պոլսական միջավայրի վզին բեռցնել ու ըսել թէ՛ մարդիկը Հայաստանէն այգբան հեռու հարկաւ այգպէս պիտի ըլլային: Բայց եթէ իրենք Հայաստանէն իրօք հեռու էին, ո՞չ ապաքէն Հայաստանը իրենց մօտն էր, ամէն օր իրենց աչքի ն առջեւն էր, կուրծքը վերաւոր, երեսը տխուր, քուրջերու մէջ փաթթուած, բեռնակիրի համետին ներքև կը բաժ, մայրաքաղաքին մայթին վրայ վհատօրէն փռուած կամ խաներու խոնաւ անկիւնը՝ իր հսկայ վիշտերուն մէջ կծկտած: Մամուլի մէջ երեւցած թղթակցութիւններ, պատրիարքարանի մէջ դիզուած տեղեկագրեր Հայաստանին արցունքով գրուած ու արիւնով կնքուած էին: Ճամբաներուն անկիւնը փռուած, կողոպտուած, վերաւոր և ուժասպառ Հայաստանին փրկարար բալասան մը մատուցանել Պոլսի Հայութեան սրբագոյն պարտքն էր ու մեծագոյն փառքը պիտի ըլլար. բայց Պոլսի սչգիտացաւ բարի Սամարացին ըլլալ, ուրիշ խօսքով, Պոլսի եղբայր ու րաց եղաւ. ահա իր պատմական ուժի րը: (Կարգացէ՛ք անմահ Բաֆֆիի «Տաճկահայք»-ին Ա. գլուխը, Պոլսի Հայութեան «զարգացած ու գործունեայ» դասերուն այդ դատապարտագիրը):

Անցողակի յիշենք որ դեռ վերջին տարիներս Պոլսի հայ գրողներուն մէջ նոր մօտա մը դարձեր էր խաներն այցելել և հայ պանդուխտի կեանքէն գրել և այս՝ լոկ գրական կամ գեղեցկագիտական քմահաճոյքի մը վայրկենական գոհացում մը տալու համար: Եթէ այդ այցելութիւնները սամարացիական ըլլային, այդ գրական փշուրներէն գրական բաներ

դուրս գալու էին: Եւ մինչև օրս պոլսեցի հայ գրողները անշան բացառութեամբ, կը շարունակեն Հայաստանի վերքերը բանաստեղծի աչքով դիտել և ոչ վերաբոյժի: Ինծի ըսող իսկ եղած է, որ վոսփորական հայ գրագէտ մը՝ Սասնոյ կոտորածին լուրին վրայ աղէտքին առթիւ կորսուած սասունական երգերու, հէքեաթներու, հանելուկներու վրայ խորունկ «վախ, վախ» մը արձակած է... Ա՛րեւակայեմ՝ որ մեր պարօնը, եթէ կոտորածին զոհ երթալու ըլլար, գեղեցկագիտօրէն մեռնելու անպատմելի հաճոյքը պիտի ունենար... «Ո՛վ դարբ, ո՛վ բարբ»...

Արդ, յայտնի է որ, այս հանգամանքներու ներքե՝ Պոլսի Հայութեան զարգացածի համբաւ վայելող դասակարգը աւելի քան անընդունակ պիտի գտնուէր հայկական յեղափոխութեան մը նախակարգայեան ըլլալու: Անդին համօրէն հայ աշխարհը յեղափոխական շունչի մը ներքե կը ծփար 80-ական թուականներուն: Ներքին և ասպատակային կազմակերպութիւններ, նմանը չտեսնուած եռանդով մը յառաջ կը տարուէին: Տառապանքի ժողովուրդին մէջ կը տիրէր մեծ ոգևորութիւն: Մուսա պէկի խայտառակ դատը ասդին, Պոլսի մէջ մերիններուն քթին տակ տեղի կ'ունենար: Այդ դատը առեանգուած, ըկուած Հայաստանի մէկ մանրանկարը փոխադրած էր Առսփորի վրայ. և այդ գերազանցօրէն կատարեցուցիչ դէպքին առջև մերինները կատաղելու, խածնելու քաջութիւնն անգամ չունեցան ու չերազեցին աբ: Վարինը, Պոլիսէն յուսահատած, կը պայթի: Այդ պայթումը Մուսա պէկի հրեշային արարքին ու միանգամայն թրքական կառավարութեան անորակելի ընթացքին դէմ հայ-ժողովուրդային զսպուած բողոքին խիստ բնական պոռթկումն էր: Վարնոյ արձագանքը կ'ըլլայ Գում-Գարուի ցոյցը, գլխաւորաբար ոչ պոլսեցի Հայերէ ծրագրուած և հայ մեծատուն ու գրագէտ դասէն աւելի ասպետական՝ հասարակ ժողովուրդի ու գաւառացիներու ձեռքով կատարուած: Այսպէս Վարինէն մինչև Պոլիս հայ ժողովուրդը մէկ սիրտ եղած, ծովի պէս կ'ու-

ուէր ու կը ծփար: Եւ վերջապէս այս ատեն միայն մեր գրող եղբայրները իրարու ահանջին՝ «Տղաք, կ'երևի այս անգամ բան մը պիտի ըլլայ» փսփաւով, ուշ մնացողի փութկոտութեամբ՝ սկսան յեղափոխականներուն քարտուիլ, առանց սակայն օր մը արժանանալ կարենալու վարպետ յեղափոխականներուն լիակատար վստահութեան:

Գանք մեր հարցումի երկրորդ կէտին. թէ ինչո՞ւ ստամպոլցի հայ գրագէտները՝ հայ յեղափոխութիւնը խաչելու վազող անբարոյացած խուժանի մը արժանաւոր պարագլուխները կը ներկայանան: Պարագային համանմանութիւնը կը զուգորդէ շատ յեղեղուած առած մը,

Գատուն միսին չէ հասեր
Փիւք, հոտած է, ըսեր.

մեր պարօնները որովհետև չկրցան (վերոյիշեալ պայմաններու ներքե չեն ալ կրնար) լաւ յեղափոխականներու արժանաւոր առաջնորդներ ըլլալ, որովհետև իրերու բնական ընթացքով ծագելիք յեղափոխութեան մը գուշակն ու արծարծիչը չեղան, ինչպէս Բաֆֆի, Քամառ Գաթիպա, և մշակներն՝ ինչպէս Հնչակ, Դրօշակ և հայաստանցի երիտասարգութիւնը, և վերջապէս, որովհետև մեր յեղափոխութիւնը աստուածներու իսկ անակնկալ արէտներու հանդիպեցաւ, և վհատողներու խառնիճաղանձին, նախապաշարման ու զայրոյթին համար ողջակէզ մը պէտք էր, մեր էֆէնտիները՝ զսպուած վրէժ մը լուծելու պատրաստ մարդու մը ջղաձգութեամբ՝ գրաւեցին Պիղատոսի աթոռը և ունեցան Պիղատոսի յատկանշական վարանումները:—Հոս միջանկեալ մը: 1896-ի ամրան մէջ Արփիարը, «Շարժում»-ի արժանաւորապէս մկրտած «Պառակտիչ ոգին», իրեն միայն յատուկ մեքենայութիւններով յաջողեր էր Հնչակեան կուսակցութեան մէջ պառակտում մը ձգել (և ազկէ քաջալերուած՝ անձնական հաշիւ մը մաքրելու վախկոտ կիրքով կը հետամտէր փեռեկել նաև Դաշնակցականները): Պառակ-

տեալ խմբակը, Արփիարն ի գլուխ, երազելով յեղափոխական coup de théâtre մը ընել, մէկ ակնթարթի մէջ «պաշտօնանկ» ըրաւ Նազարբէկը, գրաւեց կամ վերակազմեց կերպոնական վարչութիւնը, ձեռք առաւ գործին սանձը, մինչև իսկ հրատարակեց «Հնչակ» անուն գիտաւոր մէկ երկու թուղթ, և ինքզինքը հոչակեց՝ բուն Հնչակեան յեղ. կուսակցութիւն: Կատակերգութեան վախճանը գիտենք:— Եւ ահա նոյն տարուան ամառէն մինչև ձմեռ Լոնտոնի ու Փարիզի միջև խորհրդաւոր երթևեկ մը սկսան Հնչ. կուսակցութեան այդ թափթփուքները, որոնց՝ «նշանաւոր» մակդիրը տարւո չուշացաւ Մ. Չերազը, այդ յաւիտենապէս սնամէջ երազը, առանց յիշելու որ օր մը առաջ զանոնք և մանաւանդ զԱրփիար «թիւրք օստիկանութեան գործակատարներ» անուանած էր: Այդ խորհրդաւոր երթևեկներուն յաջորդեցին աւելի խորհրդաւոր ու ոչ նուազ սիրալիր տեսակցութիւններ ժէօն Թիւրքերուն հետ և խնկարկու այցելութիւններ Նուպար փաշայի մօտ... (Մեքլի ժէօն Թիւրքերու հետ կապուած այն սիրազեղ յարաբերութիւնը շարունակելու և նուիրագործելու նպատակով էր որ նոյն տարուան (1896) դեկտ. 23-ին, Գաֆէ Ալթէօի մէջ, ժէօն Թիւրքերու կողմէն տրուած հացկերոյթին՝ «օսմանեան գահուն հաստատութեանը համար» բաժակներ պարպեցին Բաշալեան, Չօպանեան և համախոհք): Թէ նուպար փաշայի մօտ եղած այցելութիւնները անհատական ակնկալութիւններն ինչ աստիճանով պսակեցին, այդ մեզ չի հետաքրքրեր. խնդրին հանրային կողմը նայինք: Պառակտեալներուն օտկան «Մարտ» անուն թերթին մէջ կարդացինք, որ փարիզաբնակ մեծ անձնաւորութիւն մը խոստացած է մեծ գումար մը դնել իրենց տրամադրութեան ներքև... Այս բոլորէն կը հետևի, որ ժէօն Թիւրքերուն սիրահարողներն (Չերազ ալ յետիններէն չէր) և «մեծ անձնաւորութեան» խնկարկունները դեռ ժամանակ մը, 1896-1898, շարունակեցին յեղափոխական չափազանց տարտամ ձգտումներ ցուցընել: Անոնցմէ մէկին «Այս անգամ... պիտի փրկենք» (°°°)

ծիծաղելի բացազանչութիւնը քուներնուս մէջ անգամ մեզ կը խնդացնէ տակաւին: Եւ հոն է «Մարտ»-ը, իր վիթխարի ահարկու... անունովը. իսկ... «միթրայեէօզներուն» վրայ հոս խօսիլն այնքան խոհեմութիւն պիտի չհամարէինք... Այս միջոցին մեր պարոնները հայկական յեղափոխութիւնը չէին հաւածեր, այլ պարզապէս Նազարբէկը, իրենց աչքին յաւիտենական փուշը, որուն յանցանքներուն մեծագոյնը՝ այդ գրչի ասպետներուն միանգամայն բողբոջն աւելի լայն միտք և յեղափոխական հարուստ ջիղեր ունենալն էր: Բայց շատ չանցաւ հով մը փչեց, և մեր պարոնները անգամ մըն ալ փոխեցին իրենց միտքն ու բերանը, վերջնական հրաժեշտը տալով «Այս անգամ... պիտի փրկենք»-ի ուռուցիկ ծրագրին: Եւ յեղափոխութիւնն արդարացնելու և իր ե'ն ց ձեռքով յաջողցնելու երազներն օգի մէջ ցնդելով՝ վախճան տրուեցաւ պիղատոսական վարանումին: Հոս կը փակենք մեզ միջանկեալը:—

— Գուրսը խուժանին վժվժուքը միօրինակ կը շարունակէր «ի խաչ հան գըա, ի խաչ»: Եւ ահա հայ Պիղատոսները, հակառակ իրենց խղճին ու Պատմութեան ապարտութեան, նախ իրենք խարազանեցին Յեղափոխութիւնը՝ ձնշուած ազգերուն այդ պատմական Փրկիչը, և յետոյ դանիկ մոլեգնած ամբոխին ներկայացնելով Ecce homo («ահա այրդ») ըսին ու իրենք, արդարին արիւնէն անպարտ ըլլալու համար, դարձան ու լուացին իրենց սրբապիղծ ձեռքերը...:

Քրիստոնէական եկեղեցիներու «Հաւատամք»-ին հետ զուգընթաց կ'երթայ նաև Յեղափոխութեան Հանգանակը, «... խաչեալ, թաղեալ յերրորդ աւուր յարուցեալ...» ուստի պէտք չունինք դանիկ կրկնելու: Եւ արդէն նա, Յեղափոխութեան անմահ գաղափարը, զինքը մեռեալներուն մէջ փնտուռներուն կ'ըսէ. «Վասն էր խնդրէք զկենդանին ընդ մեռեալսն».— Ո՛չ խղճալի պարոններ, ո՛չ դուք չափահաս մանուկներ էք դեռ. ձեր խելքը ասանկ բանի չի հասնիր.



„իրերու տրամաբանական ընթացք“ և „պատմական օրէնք“ կոչուած բաները այնքան դիւրին չէք կրնար հասկնալ՝ որքան մ ու հ ա լ լ է պ ի ն և երկնից կամ աղջկան մը աչքերուն աղուոր կապոյտը: Հայաստանի վէրքերն ու պէտքերը անմեկնելի պիտի մնան ձեզի, որ յաւետ վարժուած էք ձեր գրչին ծայրը միայն տեսնելու, հոն միայն ապրելու Դուք օ՛ր մը իսկ պիտի չյաջողիք՝ իր կաշիին վրայ կրող հայաստանցիին պէս զգալու և մեր կորսուած օրը պիտի ըլլայ այն օրը՝ երբ հայ աշխարհին այս կամ այն մասը իր ճակատագիրը ձեր գրչազէն ձեռքերուն յանձնէ: Դուք շարունակեցէք գրել դպրոցական ճառեր, ոչինչով ուռած ոտանաւորներ, կարելիին չափ աղուոր վիպակներ, իրերագովական ու քլամներ, վերջապէս զուտ գրական և արուեստագիտական ուսումնասիրութիւններ, և մենք, հաւատացէք, հաճոյքով պիտի կարգանք ձեր գրութեանց արժանաւորները, գրեցէք, միշտ գրեցէք, ու մի՛ մոռնաք որ դուք գրական մարդիկներ էք, և հայ աշխարհին ճակատագրովը զբաղել կարենալու համար գեռ շատ պէտք ունիք գրական մարդիկներ ըլլալու:

* * *

Երկու խօսք ալ Անա հիտի երրորդ թուոյն բերած „Պատասխանատուութիւնները“ խորագրով յօդուածին առթիւ: Յիշեալ գրութեան երկայնութիւնը (14-15 էջ) առաջին ակնարկով կարծել կուտայ միամիտ ընթերցողին, որ վերին աստիճանի խնամոտ, կիրքէ զուրկ և անկողմնակալ վերլուծում մըն է պ. Զօպանեանի ըրածը: Բայց կեղեկն տակը և մետալին միւս կողմը տեսնելու վարժ աչքերէ չեն կրնար վերապիլ պ. խմբագրին անխնամ ու անարգար բաժանումը պատասխանատուութեանց, կրքոտ կանխակալութիւնը և անվարագոյր կողմնակցութիւնը. . . Յօդուածին վեցերորդ տողէն իսկ

սկսելով կը ժայթքի ժամանակէ մը ի վեր զսպուած թոյնը. „Խուժք մը հայեր, կ'ըսէ Անա հիտի պ. խմբագիրը, որոշապէս պատճառ եղան դէպքերուն փութացմանն ու աղէտքին պայթմանը“: Այս դատավճիռը, որ խնդիրը գեռ չքըննուած կ'արձակուի, ինքնին խիստ պարզ է. անոր աւելի կարծ ձեն է՝ „Հայկական ջարդերուն պատճառ եղան հայ յեղափոխականները“ (ու զանոնք „գլխէ հանող“ մեծ վարպետին՝ Բաֆֆին ալ ճոխ պաշար մը կը հանուի այս հսկայական „պատասխանատուութիւններէն“, և այս այն միջոցին՝ երբ անդին, Վովկասի մէջ համեստ արձանով անգամ մը ևս կ'անմահացնեն՝ իր գրական և մանաւանդ գրական ծառայութիւններով արդէն անմահացած Բաֆֆին): Յիշեալ փութկոտ դատավճռին կը հետեւին գեղեցկագիտօրէն հիւսուած անխիղճ զրպարտութիւններ, ըստ որում հայ յեղափոխականները կոտորածներուն վրայ „աւելի զուարթ, այո՛ զուարթ“ երեցած ըլլան: Այս ժպիտ հատութեանց կը հետեւին քողարկած ատելութեան պոռթկումներ ընդդէմ Հնչակի խմբագրին ու Դրօշակին, և յետոյ այսինչ կամ այնինչ (ու թերևս անգոյ) հայ անհատի մը անհատական կիրքը կամ կարծիքը վիթխարօրէն ստուարացնելու, հանրացնելու և ահաւորացնելու վրան բաց ջանքեր: Ուշագիր ընթերցող մը պիտի տեսնէ թէ պ. Արշակ Զօպանեան հին անձնական կիրք մը յագեցնելու համար գրած է այս տողերը. ասոր ապացոյց, յեղափոխականներու հասցէին ուղղած զրպարտութեանց ճաշակաւոր ընտրութիւնը, հայհոյութեանց գունապեղ փունջը և մանաւանդ նազարբէկին ու. . . իր կնոջ ընծայուած. . . քարբերու թոյնը: — Հանրային խնդիրներու մէջ կրնար Անա հիտի խմբագիրը Հնչակի խմբագրին ուսանողական կեանքն ալ պրպտելու չափ ստորանալ բայց որու մօքէն կ'անցնէր որ Տիկին Նազարբէկի Ֆիզիքականն ալ պրպտելու չափ յառաջ պիտի երթար: Հոս Զօպանեան իր ստորնացումի նատիրին վրայ է: Անցնիք:

Այս տողերէն հետեցնելու չէ թէ մենք „պատասխանա-

տուութիւնները՝ յօդուածին մէջ անցքերու ճշգրտապատում ներկայացումներու և ուղիղ տեսութիւններու բնաւ չենք հանդիպած. և ոչ ալ կ'ուզենք ըսել որ հայկական յեղափոխութիւնը պապական անսխալականութիւնն ունեցաւ: Օրինակի աղագաւ, չափազանց ուղիղ կը գտնենք այն դատողութիւնը, որուն համեմատ Հայերուն «Պոլսի մէջ գրեթէ բացարձակ ազատութիւն» վայելած միջոցին, «կարելիութիւն կար ազգային վերածնութեան գործը կամաց կամաց՝ ձեռքի տակէ հասունցնելու»: Այդ շրջանի գործիչները, որոնք Հայաստանի հողը, անոր հոգիին վէրքն ու պէտքը չէին ճանչնար, «ոչինչ կը փորձէին տակաւ առ տակաւ վարժեցնելու համար ամէն հայ անհատ՝ իր անձը յարձակման մը դէմ զէնքով պաշտպանելու» (սրտանց կըստորագծենք այս վերջին տողը): Հոգեկան անհուն կսկիծով մը ԱՅՈ՛ կ'ըսենք նաև պ. Չօպանեանի այն յայտարարութեան, ըստ որում ռուս-թրքական պատերազմի միջոցին «հայ ժողովուրդին վարչութիւնը ձեռքերնին ունեցող անձերը գործեցին մեր պատմութեան ամենէն կարևոր սխալներէն մէկը, և որ հիմնաքարը եղաւ բոլոր միւս սխալներուն» (իմա աղէտքներուն): Բայց ճիշդ այս կէտէն անդին է որ ամէն հայ յեղափոխական, ըլլայ վարպետ կամ համբակ, տրամագծօրէն կը տարբերի Անահիտի խմբագրէն ու իր կարծեկիցներէն: Այսօր կ'երևի տակաւին սակաւաթիւ չեն այն հայ անհատները, որոնք Պերլինի վեհաժողովին իրենց ընծայած պատրանքին վրայ ձեռքերնին շփելով, ահուանին կըճրտացնելով՝ գործուած մեծ սխալին վրայ ողբ երգոց կը կարգան: Պ. Չօպանեան, ժամանակակից մամուլի մեղսակցութիւնը լռելով, այդ հսկայ սխալը ներսէսի ու իր խորհրդականներուն և Խրիմեանի վեզը փաթթելէ յետոյ, կը ջանայ մեզ համոզել, որ եթէ այդ ատեն փոխանակ ներսէսեանի՝ Նուպարեան ծրագիրը ներկայացուէր Պերլինի վեհաժողովին, Էւրոպան զանիկա իր շրթունքին դնելով՝ Eureka ! պիտի բացագանչէր, և Հայաստան, այդ նոր ծրագրին շնոր-

հիւ, դիւթականօրէն Աւետեաց Երկիր պիտի դառնար, Եթէ... ԹՈՅԼ ՏԱՐ ՌՈՒՍԸ, որ Լոռիս Մելիքովի բերնով «Վերը բան մի յուսաք, ան մեզի պէտք է», ըսած ալ էր: — Նուպար փաշայի գծածը վարչական բարենորոգմանց զլուխ գործոց ծրագիր մըն էր, ատոր ըսելիք չունինք. բայց ներուի մեզի յայտարարել որ մենք Նորին Ասեմութեան չափ եռանդով չենք կրնար հաւատալ որ այդ ատեն իր ծրագիրը անպատճառ պիտի ընդունուէր: Մեր թերահաւատութիւնը պարզենք հետեւեալ հարցումով: — Քանի որ Նուպար փաշա իր ծրագրի ընդունելիութեանն ու իրագործելիութեանը վրայ այնքան զօրաւոր հաւատք ունէր, քանի որ արևմտեան Եւրոպան, Ռուսին «խօսք հասկցնելու» կարող և յօժար, «իրապէս կը փափաքէր որ Տաճկաստանը բարեկարգուի», քանի որ Փարիզի գերմանական դեսպան Հոհենլոհէ կոմսը և անդլիական դեսպան լորտ Լայընս սքանչացում միայն յայտնած էին Նուպարեան ծրագրին գործնականութեանը վրայ, և վերջապէս, քանի որ Նորին Ասեմութիւնը ներսէսեան ծրագրին անգործագրելիութիւնը վստահօրէն գիտէր, ԻնՉՈ՞Ւ իր ծրագիրը կ'երպով մը, օրինակ, Տաճկաստանի բարեկարգութեանը «իրապէս» փափաքող կառավարութեան մը ձեռամբ, վերջապէս իր ծրագրին վրայ սքանչացողներուն միջնորդութեամբ, չներկայացուց Պերլինի վեհաժողովին: Ամբողջ ազգի մը մահը կամ կեանքը նշանակող խնդիրներու մէջ փափկանկատութիւն ներելի չըլլալով, չի կրնար առարկուիլ թէ Նուպար հայ ժողովուրդին հոգևոր Պետին և անոր Պատուիրակութեան դէմ անքաղաքավար ըլլալ չուզէր: Եթէ փափկանկատութիւնն էր Նուպարին ձեռքերն ու բերանը կաշկանդողը, ցաւով պիտի յայտնենք որ Նորին Ասեմութիւնը երկու չարեաց... մեծագոյնը ընտրած էր: Այդ գերազանցօրէն նպաստող հանգամանքներուն ներքեւ ինչո՞ւ Նուպար չյանդգնեցաւ գործել այդ փրկարար անքաղաքավարութիւնը, որ մեր ազգային պատմութեան մէջ իր փառաց պսակը պիտի ըլլար, ու մենք նուազ առիթ պիտի ունենայինք նախան-

531

ձեռու Եգիպտոսի ապագայ պատմագիրներուն . . — Պերլինի անյաջողութենէն ի վեր Նուպար Ներսէսի ուրուականին կամ Հայուն բախտին դէմ քէնտեցաւ: Բայց այդ քէնը կրնայ մասամբ քառուիլ եթէ երբեք օր մը յայտնուի թէ Նուպար որոշեր է Սանասարեան մը ըլլալ:

Մեր տարակարծիքութիւնը սակայն, Պերլինի Վեհաժողովին մատուցուելու համար պատրաստուած Ներսէսեան կամ Նուպարեան ծրագրերու բովանդակութեանը վրայ չէ, այլ «ծրագիր» մը, մուրացկան թուղթի կտոր մը ներկայացնելու ամենաձախող խորհուրդին վրայ է: Վախ որ այդ պահուն Պոլսի մէջ պուտիկ մը յեղափոխական արիւն ունեցող, խելքը զլուխը Հայ մը, այո՛, խենթ մը չէ գտնուած: Մեզի լծակից ու մինչև անգամ մեզի չափ չզարգացած ազգեր՝ Իրենց հանգիստն ու աղատութիւնը սուրով, արիւնով պահանջելու չափ դրական գտնուեցան. իսկ մեր Պոլսի վարիչները, գործիչները խորհեցան ու հաւատացին թէ Հայուն փրկութիւնը պիտի կրնայ ապահովուիլ զրական ճամբով . . Եւ գրչազէն ու . . թղթատար Պատուիրակութիւնը, ուխտաւորի մը ջերմեռանդ հաւատքով, ճամբայ ինկաւ դէպ ի Պերլին, տանելով իր հետ ամբողջ ազգի մը . . մուրացկան աղաչանքը: Վեհաժողովի սրահին շուրջը հակապատկերներուն էն ծիծաղելին, մեզի համար սակայն էն ողբալին կը պարզուէր. պահանջող ձայներ, արիւնոտ խանջարներ Պալքաններէն, աղօթող շրթունքներ, արցունքոտ թուղթ մը Պոլսէն . . Կերեակայեմ թէ պոստան ճի Պուղարները ինչ խորհրդաւոր ու սրտանց մեղքցող նայուածքներ ուղղած պիտի ըլլան հայ Պատուիրակութեան, և յանդիմանիչ ակնարկներ՝ անոր թարգման շիք, առոյգ երիտասարդին, որպէս թէ ըսել ուզելով «Ծօ՛ խրճապը, այդ հասակին մէջ ամօթ չէ՞ մուրալ . . :» — Եւ Ռուսին ականջէն քաշելու չափ «ջորաւոր», ու Տաճկաստանի բարեկարգութեան «իրապէս» տենչացող արևմտեան Եւրոպան, ինչպէս գառնապէս գիտենք, ամէն մէկուն տուաւ իր արժանաւոր հատուցումը . . — Կ'ընդունինք թէ

գիւանագիտութիւնը արհամարհելը սխալ մըն է: Մեզի տարակարծիք եղողներն ալ կը հաճին խոստովանիլ որ գիւանագիտութեան առջև ստրկավայել երկրպագութիւնն ալ աւելի ամրացուց ու դեռ պիտի պրկէ մեր գերութեան շղթաները: «Դուն քեզ օգնէ, որ Աստուած ալ քեզ օգնէ» առածը դարերու փորձառութեան մէկ փրկարար խրատն է. և Լոռիս Մելիքովի « . . . Վարը բան մը ըրէք, մենք ալ թերևս ձեզի կ'օգնենք »-ը վերոյիշեալ առածին ամենապարզ աշխարհաբարն էր, զոր, դժբախտաբար, ոչ մէկը չկրցաւ հասկնալ: Ան ահիտի խմբագիրը սակայն հիացումով կը յիշէ թէ ինչպէս «խուժք մը Հայեր» ու «քաղաքագէտն» Ծերենց, Լոռիսի միտքը հասկնալով (°), այդ «Վարը» փրկելու համար՝ «ըրին միակ լուրջ փորձը, զոր Հայերը այս ամբողջ դարուն մէջ ուրուագծած ըլլան»: Եւ այդ «լուրջ փորձն» է եղեր՝ «Վարը հողեր գնել և Հայոց թիւը աճեցնել . . .» չէ ըսուած սակայն թէ վակոններով կամ փոխադրանաւերով, թէ ոչ . . բազմակնութեամբ: Հոս պ. Զօպանեան իր պարզամտութեան ծայրագոյն կէտին վրայ կը գտնուի, և հետևապէս կը ներկայանայ մեզի գերազանցօրէն անքաղաքագէտ միտք մը: Իր հիացած այդ «լուրջ փորձին» վրայ բոպէ մը իսկ խորհիլը բաւական է ամենալուրջ մարդ մը անգամ ժամերով խնդացնելու: Լոռիս Մելիքովի այդ խօսքին հետ պատմական պիտի մնայ նաև գանիկա չհասկցողներուն ապուշութիւնը: Այդ նշանաւոր «Վարը բան մը ըրէք»-ը կը նշանակէ ո՛ր և է խլրտում մը, խենթ խելօք բան մը ըրէք, և . . ՇՌԾ ըրէք, «մենք ալ թերևս ձեզի կ'օգնենք»: — Պարագաներուն յղութիւնը և Լոռիսի լեզուն ներկան կ'ակնարկէին, բայց ո՛ր հասկցող: Անգամ մըն ալ կը շեշտենք, որ Պալքաններն ու Դանուբը անդին բռնկած և խաչն ու մահիկը արիւններու մէջ թաթխուած պահուն սխալ էր, հսկայական սխալ՝ ասդին թուղթի կամ սև ու ճերմակ ծրագրերու հետ խաղալ: Մեր ազգային վարիչները, գործիչները կրակ մը, խենթ խելօք «բան մը» բռնկցնելու էին

Պոլսի մէջ կամ կրակուելու միշտ յօժար «Վարի» մէկ անկիւնը: Եւ վստահ եղէք որ այդ նպատակը պարագային մէջ արեւմտեան Եւրոպան հայկական արիւնոտ պահանջի մը առջև պիտի չուզեր անտարբեր մնալ: Սուլթանը Վիպրոսի դաշնագրով Ռուսին Հայաստանէն հեռացումն արդէն ապահովեր էր, ուստի Հայերու կողմէն իրեն կրած միակ երկիւղը խըլտուով մը հաւանականութիւնն էր: Ահա ճիշդ այս երկիւղալի խըլտուովն առաջին առնելու համար էր որ Համիտ անուշբերնեց ներսէն ու իր խորհրդականները, որորեց զանոնք ոսկեղէն յոյսերով, և որպէս զի խելօք կենան, մտքերնին ուրիշ տեղ չերթայ, զբաղեցուց զանոնք «ծրագիր» կոչուած խաղալիկով մը. . . Եւ ինչ սուղ խաղալիկ:

Ներսէսեան ծրագրի Ֆիսոգոյին վրայ Օտեան կրնայ «նիս, վնիս» ըսած ըլլալ, Սէրվիչէն լացած և ինքը Վարժապետեան՝ զղջացած: Մեռածներուն հասցէին կրնայ մէկը շատ բան ըսել ազատօրէն. և ուրիշ մը կրնայ ըսուածին հաւատալ կամ ոչ՝ նոյնքան ազատօրէն: Ու Խրիմեան, որ մեր ակնարկած «փառաւոր առիթը» կորսնցուցած ըլլալուն համար ամէն տեղ և ամէն ատեն կ'ողբար հեծկլտանքով, կրնայ նոյն հեծկլտանքով լեցուն նամակ մըն ալ նուպար փաշային գրած ու «ներում խնդրած» ըլլալ: Սխալը ճանչնալ լաւ է. զանիկա կանուխ ճանչնալ՝ լաւագոյն: Ա՛նուզենք միայն գիտնալ թէ մեր հայ անունը կրող փաշաները, խաները, պէկերը ե՞րբ պիտի շնորհ ընեն ճանչնալու իրենց ոճրագործ անտարբերութիւնը, որո՞ւ պիտի խոստովանին այն մեծ մեղքը, զոր պատմութիւնը կը պատրաստուի գրողմէլ շքանշաններով ծանրաբեռնուած իրենց կուրծքերուն ու ճակտին վրայ. և ե՞րբ, նիս, ե՞րբ մեր խղճալի հոսհոսները պիտի դադրին մորեզնօրէն խնկարկելէ այս ոսկեղէն կուրծքերուն. . .

«Պէտք է խոստովանիլ, որ կը յարէ պ. Չօպանեան, ներսէսի և իրեններուն հիմնածը, եթէ հայ ժողովուրդը ձգեց քաղաքական վտանգաւոր կացութեան մը մէջ և Թիւրքին կողմանէ հալածանքներու ծրագրի մը գործադրութիւնը փու-

թացուց, այս վերջին աներեւակայելի աղէտքներուն ուղղակի պատճառ ըլլալուն բնութիւնը չունէր սակայն»: Ասով երկրորդ անգամ ըլլալով, ըսել կ'ուզուի թէ վերջին աղէտքներուն ուղղակի պատճառ եղաւ հայկական յեղափոխութիւնը: Թէ՛ դէպ ի Պերլին ուխտագնացութիւնը «Թիւրքին կողմանէ հալածանքներու ծրագրի մը գործադրութիւնը փութացուց», խիստ յայտնի է և շատ բնական: Ո՞չ ապաքէն, ինչպէս արդէն ակնարկեցինք, նոյնքան բնական էր նաև՝ Թիւրքին այլևս սիսդեմաթիք դարձած հալածանքներուն և անոնց դժոխային նպատակին հանդէպ հայկական յեղափոխութեան մը գաղափարին ծնունդն ու զարգացումը: Չափազանց ճնշումը պայթում յառաջ կը բերէ. սա օրէնք մըն է և՛ բնական և՛ պատմական: Ու եթէ Թիւրքին անտանելի ճնշումներուն միջոցին կարգ մը ոսկեպատ, կարգ մը խաչակիր, կարգ մը գրչագէն Հայերու սիրտեր պայթած չեն, պատճառն այն է որ կամ ճնշումին համը տեսած չեն և կամ. . . սիրտ չունին որ պայթէր: — Յիշեալ պայմաններու ներքև յեղափոխուելէն ի զատ կար ուրիշ, աւելի լայն ճամբայ մը, որ էր՝ չյեղափոխուելի այսինքն Թիւրքին ամէն մէկ հարուածին «Պէլի էֆէնտիմ» ըսել, գլուխ ծռել, մեր անարգ շղթաները համբուրելու չափ ստորնանալ, և խնդրել Արփիարէն, որ մեզի համար գլուխ գործոց Ազգային Մեղայագիր մը պատրաստէր. . . Եթէ Յեղափոխութեան «փշոտ ճանապարհը» նեղ է և արիւնալից, չէք կարծեր որ մէկալ լայն ճամբան մեզ յաւիտենական կորուստի պիտի դատապարտէր: Իսկ զամեղ յաւիտենական կորուստի պիտի դատապարտէր, փութանք լով «վերջին աղէտքներուն ուղղակի պատճառին», փութանք յայտարարել որ Անատի խմբագրին արձակած վճիռը վերին աստիճանի անարդար ու նոյնքան չարամիտ տեսակէն է: Օրինակ. պ. Չօպանեան հայ փաշաներուն, խաներուն, պէկերուն անտարբերութեանը վրայ խնամտօրէն քօղ մը կը քաշէ, անոնց պատասխանատուութեանց վրայ խօսելէ կամաց մը խոյս տալով: Այս կնճռոտ խնդիրներու մէջ պօլսական հայ մամուլին անունն անգամ չի տար, որպէս թէ անիկա ոչ գոյու-

թիւն, ոչ ալ պարտականութիւններ ու պատասխանատուութիւններ ունեցած ըլլար մինչև 1880 — և անկէ ի վեր ի՞նչ մատուց մեղի այդ Ֆրանսականին տխեղճ արձագանգ մամուլը, եթէ ոչ մեծ մասամբ սնամէջ ու պոռնկային գրականութիւն մը, և «Տայրախնամ» սուլթանին պատգամներն ու թրքահայտի գրութիւններ, որոնք այնքան լաւ կը յաջողէին ժողովրդին բարոյական կորովի ջղերը կտրտելու: Աւելի լաւ չէ՞ր ըլլար որ բնաւ մամուլ չունենայինք, ու մեր գրողները ուրիշ պատուաւոր ճամբով մը շահէին իրենց հացը: Մազ մը մնացեր էր որ պ. Արշակ իր «Պատասխանատուութիւններ»-էն մազի մը չափ բաժին հանէր պ. Չերազին, «Թէ ի՞նչ կորսնցուցինք» մը չգրելուն համար, բայց այս փոքրիկ յանցանքը կը ներէ իր «բարեկամին», քանի որ իր «տետրակով և իր գործունէութեամբը» (°°) Անգլիոյ ձեռքով Հայաստանի վերանորոգման գաղափարին ամենէն պերճախօս տարածողը» ըլլալէ և յուսահատելէ յետոյ «առաջինը» կ'ըլլայ «Ռուսիոյ պաշտպանութեան կարևորութիւնը դգացող»: Ըստ մեզ երկու պարագաներուն մէջ ալ մեծապէս հակադրային ու մեծապէս պատասխանատու ուղղութիւն մը, այդ Չերազին հետեւածը: Չերազը նոյնն է երէկ, այսօր, յաւիտեան: Այդ շիք ազգային մուրացկանը Պերլինի դուռը թողուց Լոնտոնի դուռը ձեռք առաւ. ատիկա ալ ձգեց ու հիմա Բեթրսպուրկի դրան շէմքին մօտ կայնած՝ կողկողաձայն «ողորմութիւն» կը մրմնջէ. երբ անկից ալ ձեռնունայն ճամբուի (ու պիտի ճամբուի, ունեցածնիս ալ վրայ տալով), իր շունջը պիտի առնէ Ուաշինգթոնի դրան առջև, յետոյ Պոլիս, վերջը կրկին Պերլին ու այսպէս յաջորդաբար: Թող ով դի մը յոյսը արտաքին օգնութեան մը վրայ կեդրոնացնեն լուր պղերգ քաղաքականութիւնը նոյն ժողովրդէն արմատախիլ կ'ընէ ինքնօգնութեան ու ինքնապաշտպանութեան ամէն զգացում: Ահա պատասխանատուութիւնը՝ մեր ուշագրութիւնը այս կամ այն տէրութեան դարձնելու ձգտող

կարգ մը ցնորամիտ ու ազգամիտ հայերու: «Սէրը յանցանքներու բազմութիւնը կը ծածկէ» խօսքը որքան լաւ կը հասկնանք երբ դիտենք, որ պ. Չօպանեան՝ իր «Արփիարեան բարեկամին» և ընկերներուն՝ Նազարէկի վրայ «կոյր վտահութիւն» մը ունենալուն «մէկ ցաւալի սխալը» մատնանիշ ընելէ յետոյ՝ չուշացներ ներողամիտ «բայց»-ը. — «Բայց, կը յարէ, Արփիարեան արժանիքն ունեցաւ Նազարէկը ճանչնալէն յետոյ, զայն ազգին ճանչցնելու» (°). կը հարցնենք. հապա Արփիարը, այդ սեկէմուկը, ազգին ճանչցնելու արժանիքը որո՞ւ վերագրելի է. — Անշուշտ է՛ն առաջ դարձեալ իրեն. որովհետև ազգը այդ գիշերագէտ հոգին առաջին անգամ Արփիարեան Մեղայագրին մէջ ճանչցաւ. մութը մնացած կէտերու լուսաւորութիւնը միայն կը պարտինք Նազարէկին: — Իսկ ի՞նչ ըսել Բաֆֆիի պաշտելի ճակատն ուղղուած ժպիւրհ նախատիքին: Իր հրահրիչ երկերովը «Բաֆֆին հայ երիտասարդութեան վնասակար» հռչակելը սուլթան Համիտի մը կամ հոսհոսի մը միայն կրնար վերապահուած ըլլալ: Ասանկ լիբր յայտարարութեան մը բաղադրիչ տարրքն ըլլալու են ազգերու զարգացման օրէնքներուն վրայ ողբալի տգիտութիւն, ազգային բարերար մշակի մը հանդէպ անորակելի ապերախտութիւն, կովկասահայ յեղափոխական մտքերու լայնութեան ու վեհութեան առջև թզուկի վայել այրող մրկող նախանձ, և ի պսակ ամենուն՝ սրբապիղծ չարամտութիւն մը: Տարօրինակ խմբագիրը իր համբալ քաղաքագետի ճամբած տրամաբանութեամբ կը յարէ. «Բաֆֆին չէր հասկցած կացութիւնը» (°°). չէր հասկցած թէ ահարկութիւն մը դիմացը, տկարը ստիպուած է ինքզինք խորամանկութեամբ պահպանել (մինչև ե՞րբ), թէ ասիկա կեանքին մէկ տարրական օրէնքն է՞ (այո՞, անասնական և ստրկավայել կեանքի մը օրէնքը): Այս տղայօրէն վարդապետական վճիռները կարգալով չէք խորհիր թէ Արշակ կամ յեղափոխութիւններու պատմութիւնները սերած չէ կամ եթէ կարգացած է, հասկցած չէ: Եթէ Չօպանեանի «կեանքին

տարրական օրէնքին՝ համեմատ խորհէին ճնշուած, կեղեր-
ուած, տկար ժողովուրդները, այսօր շատ մը ծլող ծաղկող
ազգեր գոյութիւն իսկ չէին ունենար, ու քաղաքակրթութիւնը
հիմակուանէն շատ տարբեր, աննախանձելի բան մը կ'ըլլար:
Այս դատապարտելի դատողութեան ամփոփումը սա է. Թիւր-
քը գլխուղ զարկաւ, — «Էյվալլահ» ըսէ, ոտքին փոշին լղէ...
Սոսկալի խորհուրդ: Հոս Ա ն ա հ ի տ ի խմբագիրը՝ Բաֆֆիի
փառքին պսակը նսեմացնելու ցնորքէ մը բռնուած՝ կը յօ-
ժարի ծայրայեղ յետադիմականութեան մը առաքեալը հան-
դիսանալու: Իրեն չենք նախանձիր. կը խղճանք միայն: Իր
հայհոյութեան շունչը, զազիր օգի մը պէս, Բաֆֆիէն ալ
անդին անցնելով, «Ազատութեան նշանած նալբանդեանցին,
մեր ազգային անմահ բանաստեղծ Քամառ-Քաթիպային, մեծ
յեղափոխական մշակ Գրիգոր Արծրունիին, վերջապէս այս
պատկառելի վարպետներուն հետեող բոլոր ազատասէր ու
լուսամիտ գործիչներուն ալ հասնելու սահմանուած կ'երեւի.
ըստ որում՝ ասոնք ալ երազեցին այն թողչական «Աերը»,
որուն խրոխտ լեռներուն ու լեռնականներուն վրայ գրեց
Ծերենց իր Երկունքը: Անմահ Աբովեանն անգամ, որուն
ձակաին ամիս մը առաջ Ա ն ա հ ի տ ի խմբագիրը վայելուչ
պսակ մը կը գնէր, կրնայ միթէ ազատ նկատուիլ նոյն խրմ-
բագրին այսօրուան համայնածախ պարսաւանքէն: Ամիս մը
առաջ Արշակն էր նորէն հետեւեալ տողերը գրողը. «Բաֆֆի,
Քամառ-Քաթիպա, Արծրունի, ամէնքն ալ՝ իւրաքանչիւրն իր
ճիւղին մէջ՝ Աբովեանի ուրուագծածը ընդլայնած են»: Մեր
ներկայ երիտասարդութիւնը «գլխէ հանողը», ըստ Չօպանեանի,
Բաֆֆիին եղաւ. Բաֆֆիին ու իր ժամանակակիցներն ալ գլխէ
հանողը՝ Աբովեան: Կ'երեւի թէ կարգ մը մտքեր՝ ձմրան հա-
կասական օգերուն, ազգեցութեան ներքեւ՝ աւելի հակասա-
կան կը դառնան: Ու երիտասարդ Չօպանեանը ինքն իսկ հա-
կասութիւն մը կը դառնայ ձախող (թերեւս գեղարուեստա-
կան) ճաշկով մը իր ծոյլ ու մեղկացուցիչ տողերուն ան-
միջապէս կցելով՝ պատկառելի ծերունի մշակի մը, յայտնի

մանկավարժ-բանաստեղծ Շահազիզեանցի հետեւեալ կազդու-
րիչ տողերը. «... Անկասկած, իրէաշնների աշխարհը վերաս-
տեղծելու համար, պէտք է արմատական յեղափոխութիւն
մտցնել սօցիալական կեանքի և մանուկ սերնդի դաստիարա-
կող սիստէմի մէջ...» Դարձեալ «Ես գիտեմ որ մանուանդ
այժմ պէտք է ոչ միայն հրեղէն տողերով, այլ և հրեղէն
գործերով մաքառել կեանքի խաւարի դէմ»: Իսկ սա հետագայ
տողերը պարզապէս երկնային պատգամ մըն են. «... Կեն-
սագործող սկզբունքը, վերանորոգիչ նախաձեռնութիւն, իմ
կարծիքով պիտի որոնել այն սերնդի մէջ, որ մի լուկ ուս-
կրօ վ ընդունակ է հազարին դիմագրաւել և շանթարձակ
ներշնչումներով մեր դիակների մէջ էլ կենդանի շունչ փչել»:
Մեկնութիւն աւելորդ է. ներուժի մեզի ընել սակայն թելա-
դրութիւն մը: Աղէկ չըլլա՞ր որ մեր ազգային յիմարները Շա-
հազիզեանցի այս վերջին պատգամը ն ու ս ի ս ա մը շինե-
լով վեզերնէն կախեն. թերեւս բուժուին...
Եւ գիտէք, ո՞ր է եղեր խենթիւն, Կ ա յ ծ եր ու լ ն
և ըն անմահ հեղինակին «Ֆլասակար» կողմը. — «Բաֆֆիին
ֆլասակար եղած է՝ հայ երիտասարդութեան ուշադրութիւնը
Մեծ Հայաստանին վրայ դարձնելով...» (":): Այս հոսհո-
սական վճռին իմաստը ահաւասիկ. հայ երիտասարդութիւնը
Մեծ Հայաստանը երեսի վրայ ձգելու էր. Միացեալ Անկե-
րութիւնները հոն դպրոցներ բանալու չէին, որ հայ պատանի-
ները չլուսաւորուէին, ու միտքերնին ուրիշ տեղ չերթար.
Սանասարեան իր վարժարանը Կարին հաստատելու չէր (այլ
Պոլիս, ինչպէս նուպար փորձեց ձախող խորհուրդով մը),
որ մի գուցէ հայ տղաքը Հայաստանի խորունկ վերքերը մօ-
տէն տեսնելով «ստահակներ» դառնան. ոչ մէկ Հայ մտքն
անցնելու էր հայաստանցիին ինքնաձանաչութիւն և ինքնա-
պաշտպանութիւն քարոզել. վերջապէս, ամէնքս՝ մէյմէկ դա-
ւաձաններ դարձած՝ ուրանալու էինք մեր Մայրը... Եւ եթէ
«վանցիներու և անիշխանականներու խուժանքին առջև «վա-
րը» ալ բոլորովին մոռցուած էր», ո՞վ կ'արգիլէր հոս

հոսն երուան գործ խուժանքին՝ գոնէ այդ
 «Վարով» զբաղելու, և «ազգային վերածնութեան գործը կամաց կամաց» ձեռքի տակէ՝ հասունցնելու: Փակագծի մէջ ըսենք որ 20-ականեան՝ հայ յեղափոխականները «անիշխանական» հրա-
 չակելով՝ հրապարակաւ ստած ու կատարած կ'ըլլայ այնքան թրքահատի գործ մը որուն նմանը վարձուած դաւաճան մը հազիւ կրնար կատարել: Նոյնը կ'ըսենք նաև հայ Յեղափո-
 խութիւնը հալածելու մէջ զիրար գերազանցող թրքահատի էֆէնտիներու մոլեգնած վոհմակին, որոնց հաջութներուն մա-
 կընթացութիւնը՝ կրնայ մէկը արդիւնք սեպել կրժողներու մակընթացութեան: Հայ Յեղափոխականներուն համար երկու ատելի բան կայ. մէկը Թիւրքին անարգ լուծը, մէկալը...
 ծոյլ, անգործ մարդոց խճրճանքը, նոյնքան աղետարեր, նոյն-
 քան գարշելի: — Եւ չէք կարծեր որ նոյն աղայական ծուլութեան կնատի զգացումներուն մէջ 20-ականեան արձա-
 կած ըլլայ իր հետեւեալ հրամանները. «Խրիմեան... պար-
 տաւոր է ըսել հիմա Չարին ինչ որ գրեց նուպար փաշային. իրե՛ն անկ է դարմանել անցեալը. կրնայ ընել այդ բանը, և պարտի ընելը»: Եւ այս եղական հրամանը, յմեքերու շեշ-
 տուած պոստուլով մը, կը հասնի մինչև... Բեդերսպուրկի վեհաժողովին. «Իր (Խրիմեանի) ձայնը պէտք է որ լսելի ըլ-
 լայ Բեդերսպուրկի վեհաժողովին մէջ, (հաճեցէք ծիծաղնիդ զսպել) ըսելու համար թէ եւրոպական խաղաղութիւնը չի կրնար տեւական կերպով հաստատուիլ՝ ցորչափ հարստա-
 հարուած ազգութիւններուն տառապանքը չբարձուի» (°°):
 2էք կարծեր որ ասանկ սպառնալից ազդարարութեան մը վրայ տէրութիւններուն խելքը այս անգամ զլուխնին գայ...
 Իէպ ի Պերլին ուխտագնացութիւնը քաւելու համար երի-
 տասարդ մը կըստիպէ յոգնած ծերունին Բեդերսպուրկ ալ ուխտի երթալու, թերևս այն տեղի սուրբը աւելի զօրաւոր գտնուի պաշտպանելու մեր... հաւնոցները... Մենք բոլոր սրտով պիտի մեղքնանք միայն Խրիմեան Հայրիկին, եթէ եր-

բեք իր 21 տարի առաջ Պերլինի մէջ սորված ու մոռցած դասերը՝ քննութեան պատրաստուող տղու մը պէս՝ վերա-
 քաղ ընել հարկագրուի: Եւ այս նոր ուխտագնացութեան յաջողութիւնը ապահովելու, ու միանգամայն գործին բա-
 նաստեղծական երանգ մը տալու համար «պատշաճ նոյնիսկ անհրաժեշտ» կը սեպուի «որ այդ խաղաղասէրներու ուխտա-
 գնացութեանը մասնակցէին քանի մը սգաւոր հայ մայրեր...»
 Գործը կարգին է. մեզի ընելիք ալ ուրիշ բան չի մնար, բայց միայն խելօք կենալ, 20-ականեանի հետ ծնրագրել ու... ջեր-
 մեռանդօրէն աղօթել իրեն պէս. «Մաղթե՛նք որ ազատական պ. Ասքութի գեկտեմբեր 16-ին արտասանած աղնիւ ոգւով ներ-
 շնչուած ճառին մէջ նշանակուած ուղղութիւնը պաշտօնա-
 կան Անգլիայինը ըլլար իրօք»: (Ուրիշին ձեռքը նայողը անօ-
 թի կը մնայ): «Մաղթե՛նք որ ամերիկեան ազգը իր պարտա-
 կանութիւնները զգար բոլոր հարստահարուած ազգերուն հանդէպ, և լսելի ընէր իր ձայնը, որ հիմա զօրաւոր է, ի նպաստ Հայոց ալ...» (Գուն քեզ օգնէ որ Աստուած ալ քեզ օգնէ): «Մաղթե՛նք որ Անգլիա համաձայնի Ռուսիոյ հետ, և Հայաստանի գործը լուծում գտնէ առանց բախումի:»
 (Վատուն մուկը իր փորին համար կը բռնէ): Եւ վերջապէս, ծոյլերու մենաշնորհ այս աղօթքներէն յետոյ՝ «Յամադինը հաւատալ թէ նիքոլա մեծ-դուքսին այցելութիւնը վերջին ազդարարութիւն մըն է սուլթանին»: Ամէն: — Բայց կը խոյ-
 հիմ թէ աղօթելու անգամ պէտք չունինք, քանի որ «Ռու-
 սին ընելիքը ճակատագրական իրողութիւն մըն է, որ պիտի կատարուի ինքնին, երբ վայրկեանը գայ, մենք ուզենք կամ չուզենք...»

«Հապա պատասխանատուները», պիտի իրաւամբ հարցնեն այս տողերուն ընթերցողները: Մենք, այնքան անկեղծ որքան անողոք, խոյս չենք տար մեզի վիճակած պատասխանատու-
 թեան բաժինէն, և ոչ ալ կրնանք լռել՝ մեր վերջին աղէտքին պատասխանատուներուն ամբողջական շարքը, զոր դիւրըմբռ-
 նելի ընելու համար կ'ամփոփենք հետեւեալ տխուր ցանկին մէջ.



1. Թիւրքը, Հայուն Պատմական Դասիճը:
2. Ռուսը, իր հաւանատու լուծեամբ:
3. Անգլիան, իր պողոտախօսութեամբ և անոր յաջորդող վատ նահանջով:
4. Եւրոպան, իր պոռնկացած քաղաքականութեամբ, զոր պսակեց Գերմանիոյ կայսրը:
5. Դիւանագիտութեան խնկարկու կարգ մը Հայեր, ա ը գ էն սկսած և աւելի սպառնական երևոյթ առնող աղէտներուն հանդէպ՝ Հայուն ուշն և յոյսը արտաքին օգնութեան մը վրայ կեդրոնացնելով ու զայն ինքնապաշտպանութեան տարրական զգացումէն իսկ զրկելով:
6. Հայ փաշաները, խաները, պէկերը, մեծատունները, իրենց անտարբերութեամբ՝ ազգային կեանքի վերածնութեան նկատմամբ:
7. Հայ յեղափոխականները, իրենց դիւցադնական գործունէութեան մէջ պարզած անհամբերութեամբ և հուրքին սաստկութեամբ:
8. Պոլսի Հայերուն զարգացած դասը, Հայոց աշխարհին իսկական շահերուն հանդէպ ցոյց տուած սիպիրական սառնութեամբ:
9. Հայ կղերը: Մեկնութիւն աւելորդ է:
10. (.)

Փակագծի մէջ ըսենք որ այս ցանկը լրացնելու պատիւը կ'իյնայ այն Հայերուն, որոնք յեղափոխութիւնը հալածելու հիւանդութենէ մը բռնուած՝ անխնայ կը կտրտեն, կը ջարդեն հայ ժողովուրդին բարոյականը և հրեշային հաճոյք մը կը զգան եղբայրասպան կռիւներ սարքելու մէջ: Մեծ Մարդասպանը և այս եղբայրասպան խուճրը — ահա երկու բնական բեռները մեր տխուր ցանկին:

„Հապա ցոյցերը“, պիտի ըսեն թերևս ոմանք: Յոյցերը մեր աղէտքին „ուղղակի պատճառ“ հռչակելու համար մէկը կամ չափազանց միամիտ ըլլալու է և կամ նրբացած չարամիտ: Թիւրքին հայասպան քաղաքականութիւնը երէկ

չծնաւ, և ոչ ալ վերջին ջարդերը իրենց որակին մէջ առաջինն են: Ամէն անգամ որ բարեկարգութեան խօսքն եղած է, Թիւրքը ատոր դէմ խրտուիլակ մը հանած է — իր խուժանին մոլեռանդութիւնը. և դիւանագիտական բարեկարգիչ պահանջներու պատասխանած է ջարդով: Այս տխուր երեւոյթը կը պատահի ժանաւանդ Պերլինի 61 Յօդուածի ստորագրումէն ի վեր: Գիտենք նաև թէ Համիտիէ հեծելագունները ինչո՞ւ կազմուեցան, Բիւրտերը ինչո՞ւ սիրաշահուեցան: Սասնոյ դէպքը ծնունդ տուաւ 1895 մայիս 11-ի Բարեկարգութեանց Ծրագրին: Երկար ձգձգումներէ յետոյ՝ սուլթանը յարմար սեպեց ընդունիլ Ծրագիրը և... հրամայեց կոտորել Հայերը, անտարբեր Եւրոպային այդ խորթ պաշտպանեալները: — Փոխանակ ցոյցերը կոտորածներուն պատճառ բռնելու, աւելի արդարացի չէ՞ր ըլլար՝ հայասպան ճնշումներուն բնական արդիւնք դնել այդ պայթուումները: Յոյցերը եթէ չըլլային ալ, Թիւրքը դարձեալ պիտի շարունակէր իր արդէն սկսած հայասպանութիւնը: Եւ յայտնի է որ ախորժակը կը սրուի ուտելով: Վերջապէս, „Գոնէ մեր կողմէն պատրուակ տրուելու չէր“ ըսողներուն ալ կը յիշեցնենք Գայլին ու Գառին առակը: Եւ ո՞չ ապաքէն Թիւրքը առժամապէս հաւատացուց եւրոպացիներուն թէ շատ մը տեղեր Հայերը նախայարձակ եղած են, զինեալ լէգէոններով մը կռիւներու վրայ խուժած են, Թիւրքերուն ու Բիւրտերուն ջարդ տուած են և այլն:

* * *


Այս բոլորէն յետոյ գրեթէ աւելորդ է յիշել որ մենք հակառակ ամէն հալածանքի և իմաստակ ու պղերգ ունոցի, յեղափոխական գաղափարին Հայերուս մէջ աւելի հաստատ հիմ բռնելուն ջերմ ջատագովներէն ենք: Մեր լուծին ան-

տանելիութիւնը և մեր համեստ զարգացումը, ըսինք, ծնունդ
տուին հայկական յեղափոխութեան: Մեր վերջին աղէտքնե-
րուն մեզի կտակած յաւիտենական վրէժխնդրութիւնը շեշ-
տեց ու նուիրագործեց մեր որդեգրած գաղափարը: Եթէ մենք
լռենք այսօր, վաղը ի՞նչ պատասխան պիտի տանք անհամար
հայ որբերուն, այդ վրէժի մարմնացումներուն: Տէրութիւն-
ներուն յարաճուն եսասիրութիւնն ու ծայրայեղ նիւթապաշտ
քաղաքականութիւնը անհրաժեշտ դարձուցած են Թուրքիայ-
ին վաղ կամ անագան բաժանումը: Արդ, երբ վե՛րջին
ժամն ալ հնչէ, ո՞ւր պիտի գտնուինք, ի՞նչ վիճակի մէջ, և
ի՞նչ պիտի ընենք: Այս կէտը ահաւոր պատասխանատու-
թիւններ կը դնէ մեր վրան: Խորհի՛նք, այս անգամ աւելի
լրջօրէն. գործե՛նք, այս անգամ աւելի անձայն, աւելի շրջա-
հայեաց, օգտուելով մեր սխալներէն և ուրիշներուն սխալ-
ներէն: Գործե՛նք, առանց վհատելու Թուրքէն ու մեր եղբայր-
ներուն հալածանքներէն: Չմոռնանք որ մեծ ու պղտիկ բոլոր
յեղափոխութիւններուն մէջ գործողն ու յաղթանակողը միշտ
որակը եղած է քան թէ քանակը: Խտացած կատաղութիւն,
մոխիրի տակ ծածկուած վրէժխնդրութիւն պահեստի ուժեր
են, զորս զիտնալու ենք գործածել ժամանակին ու խոհա-
կան կերպով: Պատմական օրէնքները, մեր մարդկային ու ազ-
գային իրաւունքները կը մղեն մեզ յառաջ: Յառաջ, անընդ-
հատ և անվհատ:

Գ.-ԵԱՆ և Մ. ԳԱԼՓԱՔՃԵԱՆ

Յունուար 1899

Փարիզ



Ստանալ փափագողները զիմելու են հետեւեալ հասցէին.

Mr M. Kalpakdjian

89, Rue Dunkerque, 89

PARIS

«Ազգային գրադարան»



NL0247757

